

# Isu Diiwaangelinta Dugsiga Barbaarinta (Kindergarten) ee Dadweynaha

U diiwaangelinta ilmahaaga dugsiga barbaarintu waa go'aan xiiso leh oo muhiim ah. Khayraadkan ayaa wuxuu bixiyaa jawaabaha su'aalaha caadiga ah ee ku saabsan isu diiwaangelinta dugsiga barbaarinta ee dadweynaha.

## 1. Waa maxay sababta ilmahaygu u aadi doono dugsiga barbaarinta?

Carruurta yaryar waxay la kulmaan isbeddel degdeg ah koritaankooda iyo koboca maskaxdooda. Dugsiga barbaarintu wuxuu bixiyaa fursad waxbarasho oo tayo sare leh oo lacag la'aan ah inta lagu jiro wakhtigan muhiimka ah. Fasalka dugsiga barbaarinta dhexdiisa, ilmahaaga waxaa hagaya macallimiin aqoon leh oo daryeele ah waxayna ka faa'iidayaan doonaan waxbarashada iyo la ciyaarida carruurta kale. Iskuuladu waxay siin doonaa bulsho aqoonsanaysa baahiyaha gaarka ah ee ilmo kasta oo kobcinaya jacaylka ay u qabaan waxbarashada. Adiga iyo ilmahaagu waxaad u qalmi kartaan khayraad kale sida cuntada iyo gaadiidka.



Carruurta waxay bilaabaan dugsiga barbaarinta iyagoo leh kartiyo kala duwan waxayna u kobcaan heerar kala duwan siyaabo kala duwan.

## 2. Goormaan ilmahayga ku qori karaa dugsiga barbaarinta Minnesota?

Ilmahaaga waxaa loo diiwaangelin karaa dugsiga barbaarinta marka:

- Ay gaaraan 5 jir marka la gaaro Sebtember 1. Waxaa jira fursado lagu xaqiijinayo da'da ilmahaaga. Ka hubi degmadaada si aad u doorato midka u shaqaynaya qoyskaaga.
- Waxay dhammeeyeen baaritaanka carruurnimada hore. Eeg su'aasha 5 si aad u hesho macluumaad dheeraad ah.
- Waxay buuxinayaan shuruudaha tallaalka. Iskuuladu waxay u baahan yihiin diiwaanka caafimaadka ilmahaaga oo muujinaya taariikhda caafimaadka iyo tallaalka. Dhakhtarkiina ama rugta caafimaadka ayaa idin siin karta diiwaanka tallaalka. Sharciga Minnesota ayaa wuxuu farayaa in carruurta ka diiwaangashan iskuulka laga tallaalo cudurrada qaarkood in ilmaha laga dhaafto mooyaane. Eeg Websaydka Waaxda Caafimaadka ee Minnesota (<https://www.health.state.mn.us/people/immunize/basics/kids.html>) si aad u hesho macluumaad dheeraad ah.

## 3. Halkee baan ilmahayga ugu diri karaa iskuulka dawlada?

Dhammaan qoysasku waxay carruurta ka diiwaangelin karaan degmada ay ku noolyihiin. Adeegso Raadiyaha

Degmada Iskuulka Minnesota (Minnesota School District Finder) (<https://www.gis.leg.mn/iMaps/schooldistricts/>) si aad u hesho degmadaada. Minnesota dhexdeeda, qoysasku waxay dooran karaan inay iska diiwaangeliyaan degmo kale. Tan waxaa lagu magacaabaa diiwaangelinta furan (<https://education.mn.gov/MDE/fam/open/>). Iskuulada Charter-ku waa iskuulo dadweyne oo lacag la'aan ah oo aan ku xirnayn degmo.

## 4. Waa maxay waraaqaha ama foomamka aan u baahanahay inaan soo gudbiyo si aanu isu diiwaangelino?

Ka hubi degmadaada si aad wax uga ogaato foomamka isdiiwaangelinta. Qoysaska loogama baahna inay keenaan caddaynta muwaadinimada ama xaaladda muhaajirnimada si ay isu diiwaangeliyaan. Degmadiina ayaa idinla shaqayn doonta si aad u soo gudbisaan macluumaadka loo baahanyahay.

## 5. Waa maxay baaritaanka carruurnimada hore?

Baaritaanku waa hubin fudud si loo arko sida ilmahaagu u korayo waxaana laga yaabaa in ay u horseedo khaydraad kale oo lacag la'aan ah. Baadhitaanku wuxuu dhacaa inta u dhaxaysa 3 jir iyo 30 maalmood gudahood ee u diiwaangelinta dugsiga barbaarinta. Macluumaadka ku saabsan baaritaanka laga helo aaggaaga waxaa laga heli karaa Help Me Connect ([HelpMeConnectMN.org](https://www.helpmeconnectmn.org)) ama degmadaada maxalliga ah.

Wac degmadaada iskuulka haddii aad qabto su'aalo ku saabsan dugsiga barbaarinta (kindergarten).



## 6. Miyaa loo baahanayahy in ilmahaygu aado dugsiga barbaarinta?

Dugsiga barbaarintu waajib maaha Minnesota. Si kastaba ha ahaatee, aad ayaa laguugu dhiirigelinayaa inaad ilmahaaga u diiwaangaliso dugsiga barbaarinta. Eeg Su'aasha 2.

## 7. Sideen ku ogaanayaa in ilmahaygu "diyaar u yahay" dugsiga barbaarinta?

Minnesota gudeheeda, goorta ay tahay in la bilaabo dugsiga barbaarintu waxay ku salaysan tahay da'da ee kuma salaysna waxa uu ilmahaagu awoodo inuu sameeyo. Carruurta waxay yimaadaan fasallada iyagoo leh xirfado kala duwan. Iskuulada waxaa laga rabaa inay taageeraan oo waxbaraan dhammaan carruurta.

Waa muhiim in dadka waaweyni wada shaqeeyaan marka ilmuhu bilaabayo dugsiga barbaarinta. Qoysasku waa macallinka ugu horreeya uguna muhiimsan ee ilmaha. Iskuulkiina ayaa kula kaashan doona si uu u taageero tallaabadan weyn.

## 8. Miyaa loo baahanayahy in ilmahaygu imtixaan maro ka hor inta uusan bilaabin dugsiga barbaarinta?

Inkasta oo tijaabada (<https://education.mn.gov/MDE/fam/elsprog/screen/index.htm>) looga baahan yahay dugsiga barbaarinta, ma aha imtixaan oo ilmahaagu uma baahna in uu keeno dhibco gaar ah. iskuulkaagu wuxuu samayn karaa waxqabadyo kala duwan si uu u barto ilmahaaga ka hor maalinta koowaad ee iskuulka. Si kastaba ha ahaatee, macluumaadkan looma isticmaali karo in qoyskaaga loogu sheego in ilmahaagu uusan diyaar u ahayn dugsiga barbaarinta.



## 9. Ilmahaygu wuxuu leeyahay dib u dhac ama naafonimo, ma inaan sugaa sanad?

Dhammaan carruurta, oo ay ku jiraan kuwa leh dib u dhaca ama naafonimada la aqoonsaday, ayaa waxay bilaabi karaan dugsiga barbaarinta marka ay yihiin 5 sano jir (eeg Su'aasha 2). Dugsiga barbaarintu wuxuu caadi ahaan siiyaa helitaanka barnaamijka maalin buuxda ah, toddobaad buuxa ah kaas oo laga yaabo in uusan ka mid ahayn barnaamijka waxbarashada gaarka ah ee ilmahaaga. Carruurta naafada ahi waxay helaan adeegyada lagama maarmaanka u ah iyagoo adeegsanaya Barnaamijka Waxbarashada Shakhsi ahaaneed.

Bilow Goor Hore. La hadal iskuulkaaga si ay u bartaan ilmahaaga idiinkuna soo dhaweeyaan bulshada.

## 10. Ilmahayga miyaa laga rabaa inuu ku hadlo oo fahmo Ingiriisiga?

Maya. Carruurta waxay bilaabaan dugsiga barbaarinta iyagoo leh kartiyo kala duwan oo ay ku jiraan ku hadalka iyo fahamka Ingiriisiga. Waxaa jira faa'iidooyin badan oo ay leedahay in aad taqaano afaf badan. Iskuuladu waxay wax u baraan baratayaasha Luqadda Ingiriisiga hab taageera luqadda guriga iyo dhaqanka qoyskooda. Fasalka dugsiga barbaarinta carruurta waxaa loogu talagalay inuu kaalmeeyo kobcinta luqadda Ingiriiska ee ilmahaaga. Waxa kale oo laga yaabaa in ilmahaagu u qalmo adeegyada luqadda.

## 11. Ilmahaygu wuxuu dhashay xagaaga, ma in aan sanad sugaa?

Maya. Carruurta waxay bilaabaan dugsiga barbaarinta iyagoo leh awoodo kala duwan. Maskaxda iyo jirka ilmaha ayaa si joogto ah u kobcaya inta lagu jiro da'dan waxayna cilmibaaristu muujinaysaa in dugsiga barbaarinta oo la daahiyi in aysan keenaynin faa'iidooyin muddo dheer ah.

## 12. Ilmahaygu ma aadin preschool ama xannaanada carruurta, ma in aan sanad sugaa?

Carruurta waxay leeyihiin waayo-aragnimo kala duwan kahor inta aysan gelin dugsiga barbaarinta, oo ay ku jirto guriga qoysaskooda ama daryeelayaasha kale. Fasallada barbaarinta carruurta ayaa waxaa loo diyaariyay inay taageeraan dhammaan carruurta oo ay siiyaan hordhac wanaagsan oo ay ku bartaan iskuulka.

## 13. Miyay tahay in daryeelaha ilmahayga, macallinka preschool-ka, ama bixiyaha daryeelka caafimaadku in ay ii sheegaan goorta ilmahaygu bilaabayo dugsiga barbaarinta?

Daryeel bixiyeyaasha, macallimiinta preschool-ka, iyo bixiyeyaasha daryeelka caafimaad ayaa gacan ka gaysta taageerida horumarka ilmahaaga, laakiin aakhirka go'aanka in ay bilaabaan dugsiga barbaarinta waxaa iska leh qoyska.

## 14. Ilmahaygu ma bilaabi karaa dugsiga barbaarinta haddii ay jiraan 4 sano 1-da Sebtembar?

Carruurta ka yar 5 jir bisha Sebtember 1 ama ka hor ayaa laga yaabaa in loo tixgeliyo gelitaanka hore. Ka hubi degmadaada si aad wax uga ogaato xeerkooda gelitaanka hore.

## 15. Dugsiga barbaarinta carruurta ee dawladu ma bilaashbaa?

Ilmahaagu wuxuu xaq u leeyahay inuu helo dugsiga barbaarinta (kindergarten) dadweynaha oo lacag la'aan ah. Ma jiro ilmo laga reebi karo hawlaha iskuulka haddii qoysku uusan bixin karin. Iskuuladu waxay ardayda ka codsadaan inay la yimaadaan qalabka sida qalimada iyo buugaagta wax lagu qorto. U sheeg iskuulka ilmahaaga haddii aad u baahan tahay caawimo helitaanka qalabka iskuulka.

Macluumaad intaas ka badan oo ku saabsan u diiwaangelinta dugsiga barbaarinta, booqo bogga dugsiga barbaarinta ee Waaxda Waxbarashada Minnesota (<https://education.mn.gov/MDE/fam/k/>).